

**PEMBERITAHUAN PERTANYAAN BAGI BUKAN JAWAB LISAN
DEWAN RAKYAT**

PERTANYAAN : BUKAN JAWAB LISAN

DARIPADA : DATUK DR. EWON EBIN

RUJUKAN : 9492

SOALAN:

Datuk Dr. Ewon Ebin [Ranau] minta MENTERI DALAM NEGERI menyatakan :-

- a) bilakah pihak Kementerian akan memanjangkan khidmat pengambilan pekerja asing secara atas talian dengan menggunakan perisian *Foreign Workers Centralised Management System (FWCMS)* dan *My Electronic Government (MYEG)* di negeri Sabah; dan
- b) apakah implikasi dan impak pengurusan baru ini kepada Sabah *Foreign Workers Recruitment Agency Assocation (PAPPAS)* yang telah beroperasi dalam bidang ini lebih daripada 20 tahun dan pekerja mereka yang berjumlah ribuan orang.

JAWAPAN :

Permohonan bagi pelaksanaan Sistem *Foreign Workers Centralised Management System (FWCMS)* di Sabah telah dipanjangkan kepada Kerajaan Negeri Sabah pada 9 September 2015. Berdasarkan prestasi pelaksanaan FWCMS di Semenanjung Malaysia, secara dasarnya Kementerian Dalam Negeri (KDN) tidak mempunyai sebarang halangan terhadap permohonan tersebut. Walau bagaimanapun, kuasa melantik mana-mana syarikat pengendali berkaitan hal ehwal pekerja asing di Sabah adalah di bawah bidang kuasa Kerajaan Negeri Sabah.

Memandangkan kuasa melantik syarikat dan penetapan kaedah Kerajaan Negeri Sabah berdasarkan dasar-dasar sedia ada mengenai pengurusan pekerja asing, maka isu mengenai kesan pelaksanaannya kepada *Foreign Workers Recruitment Agency Association (PAPPAS)* akan turut dikaji dan diteliti di peringkat Kerajaan Negeri Sabah.